



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnium Generalium Et Provincialium Collectio Regia

Ab anno CCCCLI. ad annum CCCCLXXV.

**Parisiis, 1644**

LVIII. Epistola Episcoporum Veteris Epiri, Ad Leonem Avgvstum Imperatorem. Deo amantißimo atque piißimo & Christianißimo, victori, triumphatori, semper Augusto Leoni, humilis episcopus Eugenius in ...

**urn:nbn:de:hbz:466:1-14887**

Epiphanius episcopus, similiter.  
Amatius episcopus, similiter.  
Daniel episcopus, similiter.  
Euphrasius episcopus, similiter.

ANNO  
CHRISTI  
418.

## LVIII.

## EPISTOLA

EPISCOPORVM VETERIS EPIRI,  
AD LEONEM AVGVSTVM IMPERATOREM.

*Deo amantissimo atque piissimo & Christianissimo, victori,  
triumphatori, semper Augusto Leoni, humilis episcopus  
Eugenius in Domino salutem.*

**N**os equidem humillimi volumus, & hoc superna gratia promerentes, nostra mente quiescere, & taciturnitatis pelagus in sancti & adorandi Spiritus pace retinere, vt sic abstinentes, siue propter humanam inopiam, aut infirmitatem, dicendi timorem tanti delicti apud nos haberemus. Sed quia proprii principatus adulter extollitur, & in sublime semper eleuatur, suisque scintillis multorum corda succendit, vt pulcritudinem sapientissimam solummodo Dei conturbet ecclesiarum, summa necessitas nobis incubuit mutare propositum, vt a vobis pro-uocati, per hanc dicendi orationem egrediamur in aere, Dei fide nostros obturantes auditus, vt ita sirena-rum mortiferum peccatum, siue earum (secundum Ie-  
Jerem. 9.remiam) filiarum mortem transeuntes, per ipsum pelagus vitæ tecum sobrie veniamus. Suscipe igitur hoc piissime, suscipe libenter a nobis munus nostrum omnium sacerdotum, & reliquorum in ministerio diuinæ scientiæ, qui constituti sunt, prædicationem tuæ iussionis quasi ex vna curia consensuque scriptam. Fideli namque, fideliterque interroganti principi lucrum est sacerdotibus, immortalis libri sanctam offerre responsionem, vt ex te den-  
nuo, Christianissime, & tuæ tranquillitatis imperio in omnem terram & cunctos homines cum mansuetudine pietatis poculum ministrent, vno omnium nostro Do-  
mino vnigenito Dei filio gubernante, qui solus in omni-  
bus sæculis perpetuo regnans, & tibi imperatori coro-  
nam, quando oportuit, latenti, imo magis claro nutu  
superimpofuit. Primum tibi signum regalis dignitatis  
beati

beati Dauid fundibulam laudabili voluntate committens, per deserta discurrens, aptissime bestias iacularis. Nos autem sub arbore pacis positi, sine timore in aura delectabili commoramur. Iaculare ergo, iaculare potentissime, secundum Danielelem, etiam Libyæ hircum paternæ fidei iaculo, ut nequaquam perditus ventilet ea quæ sunt ad Austrum. Ille namque paululum exiliens ad vltima Libyæ regionis, illam immedicabilem Alexandrinorum vrbi influit passionem, ut sacerdotis sui interemptorem, amatorem Dei populo demonstraret, & viro sacrilego sacerdotii priuilegia nefande committeret, qui non solum a sacerdotali voluntate, sicut preces de eo conscriptæ referunt, alienus ostenditur, sed etiam omni affectioni vulgi peregrinus agnoscitur, licet quibuscumque verbis gestorum delere nitatur auditus. Nam si ei animo concepti adulterii non imminuerit crimen, hoc solummodo paternæ traditionis destructori possit, quod est, sufficere, ut in eo iuste possit vltio prouenire. Cui namque clarum non est (nisi qui forte sponte bona scire despicit) quid per sacratissima sanctissimi & beatissimi & post Deum patris nostri Leonis scripta sancitum est? Tacemus enim quæ primitus sub sanctæ memoriæ principe Marciano coram omni populo in ciuitate Calchedonensi de fide orthodoxa sunt prolata, ad confusionem quidem maleficorum & vesanorum hominum, & commemorationem atque consolationem piorum & fidelium. Quæ fides & ab illo sancto omnibusque honorando Concilio testimonium bonum promeruit, & definitio scientiæ clarioris vno nutu ab omnibus obsignata est, ipsam formam detinens, quæ dudum in sancto Nicæno Concilio, & Ephesino primo apud recte sapientes constituta dignoscitur. In qua præcipue æternitas & humanitas (sic enim dicendum est) vnius Vnigeniti custoditur, hoc est, in vno Domino nostro Iesu Christo incarnato Dei Verbo oratione seruata, *ut in nomine Iesu Christi*, sicut ait Apostolus, *omne genu flectatur, cælestium, terrestrium & infernorum; & omnis lingua confiteatur, quia Dominus Iesus Christus in gloria est Dei Patris. Quiescant igitur, quiescant, & hoc per te, piissime, qui modicum bonum putant munus taciturnitatis existere. Quiescant confundere & Dei ecclesias*

Daniel. 8.

Philipp. 1.

conturbare, & curiosis sermonibus auditus personare simplicium: vel tuam rectam fidem, si metum futuri iudicii non habent, erubescant. Cur ventis sermonum tranquillitatem sanctæ fidei nostræ conturbant? Cur Concilia aduersus Deum in omni loco & gente faciunt residere vilissima? Cur tela contra nos dæmonibus subministrant? Cur de morte paruulorum cogitantes, nostræ immortalitatis auctorem \* pascua sectantur, qui adhuc terrenas causas tractare noscuntur? Cur certant sua scientia secundum Adam fieri velut dei, qui adhuc nec quæ sunt hominum, agunt? Cur lenem nostram mollemque pacem impugnant pro zelo, simplicitatem sancti nostri & celandi mysterii suffocantes? quo mysterio non solum nos, sed & omnes ministri spiritus superantur. Quapropter gloriamur velut codicillos nos habere creditæ dignitatis huius, qua diuinitas tractatur, & immensæ scientiæ cum mensura congrua ministrare dicatur. Iterum a nobis dicatur & hoc, domine Deo amantissime, & cum omnibus hominibus in omni loco positus. In hoc enim tibi librum responsionis de confessione & oratione concludimus, quod a sanctis patribus & ab initio & hæcenus dicitur: Pater & Filius & Spiritus sanctus in æterna Trinitate est, vnius principatus virtus, qui est super omnia benedictus in sæcula Deus.

Eugenius episcopus Epiri. Incolumem vestram pietatem omnium Dominus noster Iesus Christus pollentem magna longæuitate conseruet, & sanctæ nostræ & beatissimæ fidei sanctionibus, per omnia Deo amantissime atque piissime.

Valerianus episcopus Phœnicæ, similiter.

Claudius episcopus Anciam, similiter.

Soterichus episcopus Corcyræ, similiter.

Hypatius episcopus Hadrianopolis, similiter.

Didacus episcopus Phocæ, similiter.

Eugenius episcopus Euromæ, similiter.

Vranus episcopus Dodonæ, similiter.

Stephanus episcopus Bothroci, similiter.

Genes. 5.

Rom. 9.